

№ 62 (263) 1938 аре
Дуныз 5 коп. 21 августэ

ГОРД ЗНАМЯ

Пудем ВКП(б) Райкомлэн но РИК-лэн органзы

4-тй арэз потэ
АДРЕСЭЗ: Пудем село,
Удмуртской АССР

СССР-лэн Верховной советэзлэн кыктэтй сессиез Союзлэн Советэзлэн но Национальностъёслэн Советсылэн 10 августэ 1938 аре совместной заседаниязы

СОЮЗЛЭН СОВЕТЭЗЛЭН 14 АВГУСТЭ 1938 АРЫН ОРТЧЕМ ЗАСЕДАНИЕЗ СЯРЫСЬ ИНФОРМАЦИОННОЙ СООБЩЕНИЕ

14 августэ 11 часын нуназе, СССР-лэн Верховной Советэзлэн заседаниос ортчыган залаз, Кремльын, Союзлэн Советэзлэн 4-тй заседаниез оргчиз.

Председательствовать каре Союзлэн Советэзлэн председателезлэн заместителез — депутат Лысенко Т. П.

Эскероно ужпум—СССР-лэн 1938 арлы единой государственной бюджетэз сярысь доклад'я прениос.

Прениосын выступать каризы депутат'ёс Верендякин В. В. (Горьковской область, Лукояновской округ) Никитин А. Н. (Ленинградской область, Боровичской округ) но СССР-лэн СНК-ысьтыз Высшой школаослэн уж'ёссыя Комитетэзлэн председателез С. В. Кафтамов эш.

Прениос бере, Союзлэн Советэз кылзйське заключительной кыл'ёссэс докладчиклэсь — СССР-ысь финансовой уж'ёс'я Народной Комиссарлэсь Зверев А. Г. эшлэсь но содокладчиклэсь—Союзлэн Советэзлэн Бюджетной комиссиезлэн председателезлэсь Сидоров И. И. эшлэсь.

Собере Союзлэн Советэз СССР-лэсь 1938 арлы единой государственной бюджетэз голосовать, карыса утвердить карон борды кутске.

Союзлэн Советэз, бюджетэз раздел'ёс'я голосовать карыса юматон сярысь Сидоров И. И. депутатлэсь предложениез принять каре. Собере бюджетэз раздел'ёсыз'я

но статьясыз'я лыдзон но утвердить карон кутске.

Профсоюз'ёсын ужась депутат'ёслэн группазылэн нимынызы Николаева К. И. депутат выступить карыса сётэ предложение, СССР-лэн единой государственной бюджетаз пыртыны социальной страхованилэсь бюджетэс, поскольку та бюджетын огазеяно коньдон'ёс государственной коньдонэн луо бере, ас назначениязы соос копак направленноось со цельёсы но задачаосы ик, куд'ёссэ разрешать каре государственной бюджет трудящойёсты материальной но культ-обслуживание ласянь.

Союзлэн Советэз со предложениез огкылысь кутэ.

Союзлэн Советэз котькуд статьяз лыдзон порядокек единогласно утвердить каре статьяосын, собере копаксэ—„Советской Социалистической Республикаослэн Союзсылэн 1938 арлы единой государственной бюджетэз сярысь законэз“.

Заликин А. Т. депутатлэн предложениез'я, Союзлэн Советэз принять каре постановление — „СССР-ын, союзной но автономной республикаосын судостроительство сярысь положенилэн проектэз сярысь докладэз Союзлэн Советэзлэн но Национальностъёслэн Советсылэн огазеяськем заседаниязы кылзыны.

Союзлэн Советэзлэн кыктэтй Сессиезлэн нылетй заседаниез таин йылпум'яське.

ЭРВАЛ'ЁСЫН ВРЕДИТЕЛЬСКИ ОТНОСИТЬСЯ КАРИСЬКО

Пудемской сельсоветысь „Прогресс“ колхозлэн председателезлэн Байбородовлэн аслаз ужаз ответственностьтэк ужаменыз но конюх'ёслэсь ужалзэс эскергымтэен, колхозник'ёс но конюх'ёс пэлын вал'ёсты умой уятлон сярысь сюлмазь-кон дьвл. Конюх'ёс но колхозлэн правлениез колхозник'ёслэсь эрвал'ёсын ужалзэс уг эскерто.

Вал'ёсты безнадзорно воземен колхозник'ёс Вершинин П. М., Бай-

бородов Василий Иванович, Смольников Алексей Егорович вал'ёсты зверски жугемен 3 эрвал'ёсты чуньызэс куштытйзы.

Смольников Алексей Егорович конюх'ёслэсь юатэк эрвалэн ужаны мыныса валэзлэн кьтаз изэн жугем.

Прокуратуралы та статья эскероно ужез ортчытоно но виновник'ёсты ответственность улэ кысконо.

Семенов



Суред вылын: И. В. Сталин, А. А. Жданов, Н. С. Хрущев но М. Ф. Шкирятов эш'ёс СССР-лэн Верховной Советэзлэн президиумаз.

Государстволы нянь пуктонэз матысь нунал'ёсы быдэстоно

Колхоз'ёслэн нырымь заповедьзы —нырымь тысез выль Зечлыккен государстволы сдать карон. Та заповедез районьсытымы тросэз колхоз'ёс азинлыко быдэс'яло. Еловской сельсоветысь Кировлэн нимыныз нимама колхоз 19 августозь нянь пуктонэз 130,4 процентлы быдэстйз. Чабыровской сельсоветысь „Трактор“ но Бозинской сельсоветысь „Новый путь“ колхоз'ёс нянь пуктонэз быдэсто ни.

Таин чошен ик государстволы нянь пукгон'я чидантэм бере кылысьса мынйсь колхоз'ёс но вань, куд'ёсыз та нуналозь государстволы одйг тысь но сдать дз на карелэ. Л е к о в а е в с к о й сельсоветысь „Динамоец“, колхозлэн председателез Семакин, „Крестьянка“—Иванов, „Кирово“—Шепелин, Еловской сельсоветысь „Чапаево“—Поздеев, „2-я пятилетка“—Суворов но Бозинской сельсоветысь „1-й май“ колхоз'ёслэн председател'ёсы нянь пуктонэз безответственно относиться карисько.

Нош Люмской сельсоветын нянь пукгон 6,51 процент гинэ составлять каре. Люмской сельсоветысь тросэз колхоз'ёс государстволы нянь пуктон борды дз на кутскылэ.

Государстволы нянь пуктон ужпумын таке тревожной положениез соин гинэ объяснять карыны луэ, что колхоз'ёслэн кивалтйсьёсы но уполнаркомзаглэн агент'ёсыз (Кошурников) та ужын полной беспечностез проявлять каро.

Люмской куст'я агент Кошурников аслаз ужаз безответственно ужа. Та бордысен ик Кошурников государство азын ответственной луэмзэ вунэтэм шуыса вераны луэ. Кошурниковлы тодаз кароно, что

со Люмской куст'я агентэн луэ но государство азын колхоз'ёслэн председател'ёсынызы одйгкады ответственноен луэ.

Государстволы нянь пуктонэн бере кылемез соин но эшшо валэктны луэ, что сельсовет'ёслэн но колхоз'ёслэн кивалтйсьёсы с-х. вредительёсын—клевшен нюр'яськонэз уг нуо. Соин ик трос ужан нуналэз быдто но заготзернолэн пунктэз ветлыса токма вал'ёсты жадьыто.

Уполнаркомзагсын ужасьёслэн, сельсовет'ёслэн но колхоз'ёслэн председател'ёссылэн но районьсы партийной но советской организациосын ужасьёслэн задаказы государстволы нянь пуктонэз матысь нунал'ёсы но выль Зечлыккен быдэстон луэ.

Районамы государстволы нянь пуктонлэн мынэмез сярысь 19 августэ 1938 аре Пудемской уполнаркомзаглэн

Сводкаез

(Процентэн вераса)

	Сельсовет'ёслэн ним'ёсы	Процент
1	Еловской	66
2	Бозинской	47,7
3	Костромской	39,4
4	Баяранской	30,4
5	Чабыровской	26,8
6	Пудемской	21,8
7	Горбашевской	21,5
8	Лековаевской	17,7
9	Люмск'й	6,51

Ваньмыз районьы 28,6



Суред вылын: заседанилэн президиумез (паллянысен буре) Т. Д. Лысенко, А. А. Андреев, Н. М. Шверник но Г. Асланова эш'ёс.

НАЦИОНАЛЬНОСТЬЁСЛЭН СОВЕТСЫЛЭН 14 АВГУСТЭ
1938 АРЫН 4-ТЙ ЗАСЕДАНИЕЗ СЯРЫСЬ
ИНФОРМАЦИОННОЙ СООБЩЕНИЕ

14 августэ, 6 часын жыт СССР-лэн Верховной Советэзлэн заседаниос ортыч'ян залаз, Кремль-ын, Национальностьёслэн Советсылэн 4-тй заседаниез ортычиз.

Председательствовать каре—Национальностьёслэн Советсылэн председателез депутат Шверник Н.М.

Эскероно ужпум—1938 арлы СССР-лы единой государственной бюджет сярись доклад'я прениос.

Прениосын выступить каризы депутат Краснов П. Д. (Чувашской АССР, Извильской округ). СССР-ыс Госпланлэн председателез Вознесенский Н. А. эш, но депутат Казакаев А. (Казахской ССР, Акмолинской округ).

Казакаев эш ас речесь казахской кылын вера, собере солэн речес зуч кылэ берыктисье.

Прениос бырем бере, Национальностьёслэн Советсы кылзе заключительной кылзес—СССР-ыс финансовой уж'ёс'я Народной Комиссарлэсь А. Г. Зверев эшлэсь но содокладчиклэсь—Национальностьёслэн Советсылэн Бюджетной комиссиезлэн председателезлэсь Хохлов И. С. депутатлэсь.

Собере Национальностьёслэн Советсы СССР-лэсь 1938 арлы единой государственной бюджетэс голосовать карыса утвердить карон борды кутске.

Национальностьёслэн Советсы, Хохлов И. С. депутатлэсь бюджетэс раздел'ёс'я но раздел пушкын поправкаос луыку статьяос'я, голосовать карыны предложениез принять каре.

Собере бюджетэс раздел'ёс'я но статьяос'я лыдзон но юмат'ян кутске.

Профсоюз'ёсын ужась депутат'ёслэн группазылэн нимынызы предложение сётэ депутат Москатов П. Г. СССР-лэн единой государственной бюджетаз пыртыны социальной страхованилэсь бюджетэс, поскольку со бюджетэс огазьяськись коньдон'ёс государственной коньдонэн луо бере но ас назначенизы копак направленоес со цельёсы но задачаосы ик, кудэз разрешать каре государственной бюджет трудяшой массаосты ма-

териально но культурно обслуживать карон ласянь. Национальностьёслэн Советсы со предложениез огкылысь кутыз.

Национальностьёслэн Советсы котькуд статьяэз лыдзыса—нимаз статьяосын, нош собере копакэс огкылысь утвердить кариз „Советской Социалистической Республикаослэн Союзсылэн 1938 арлы единой государственной бюджетэс сярись законэз“.

Вершков П. А. депутатлэн предложениез'я, Национальностьёслэн Советсы постановлением кутыз—СССР-ын, Союзной но автономной республикаосын судоустройство сярись положенилэн проектэз сярись докладэз кылзыны Союзлэн Советэзлэн но Национальностьёслэн Советсылэн огазын заседаниязы.

Национальностьёслэн Советсылэн кыктэти Сессиезлэн нылетй заседаниез таян йылпум'ясыкыз.



Суред вылын: СССР-лэн Наркомфинэзлэн Наркомез А. Г. Зверев эш доклад лэсьтэ.

КОЛХОЗНОЙ ЮНЯНЕЗ СЕЛЬСКОХОЗЯЙСТВЕННОЙ
ВРЕДИТЕЛЬЁС ТУС-ТАС КАРО

Чабыровской сельсоветысь „Белые ключи“ но Люмской сельсоветысь „Золотая нива“ колхоз'ёсын ю-нянез возман умой организовывать карымтэ. Ю-тысез возён с к л а д 'ёс ремонтировать но сельскохозяйственной вредительёслэсь дезинфицировать карымтэ. Сельскохозяйственной вредительёсын нюр'яскон овёл.

„Белые ключи“ но „Золотая ни-

ва“ колхоз'ёслэн председателёссы Пашкин но Ушаков колхозной нянез умой возманлы вниманизэс оз вис'ялэ но со ужын безответственно ужамзэс проявить каризы. Соин ик „Золотая нива“ но „Белые ключи“ колхоз'ёслэн ю-нянь возён склад'ёсазы сельскохозяйственной вредительёслы улыны умой условие луэмын.



„Золотая нива“ но „Белые ключи“ колхоз'ёсын колхозной урожаез пумитаны амбарной вредительёс гинэ дасяськисы.

СССР-лэн Верховной Советэзлэн Кыктэти Сессиез
Союзлэн Советэзлэн Сессиез



Суред вылын: (паллянысен буре) А. И. Микоян, В. М. Молотов но Л. М. Каганович эш'ёс Сессилэн нырысь заседанияз.

ТУЗ АРЕ ПРИЗЫВАТЬСЯ КАРИСЬКИСЬ ПРИЗЫВНИК'ЕСЛЫ КРАСНОАРМЕЕЦЛЭН
Е. Д. ПАВЛОВЛЭН ГОЖТЭТЭЗ

1917—1918 ар'ёсын вордскем егит колхозник'ёс, служашойёс тй туз аре асьмелэн родинамылэн доблестной Рабоче - Крестьянской Красной Армияз призываться карисьяськиськоды.

Партия но Советской правительство тйледлы бад'зым но почетной ужез—СССР-лэн Великой калык'ёсызлэсь мирной трудэс защищать каронэз доверить каре.

Тй, Пудемской районсы допризывник'ёс армии мынэмлэсь азыло но партилэсь но правительстволэсь доверизэс оправдать кароно луиськоды. Матысь ар'ёсы 7—8 миллиард пуд нянь басьтон сярись Ста-

линской лозунгез быдэстон понна нуналмысь нюр'ясконо луиськоды. Жутэлэ аслэсьтыды политической, графической но боевой тодонлык'тэс. Быдтэлэ аслэсьтыды трахома но мукет висэндэс но призывез умой тазалыкен, боевой но политической умой дасяськемен пумиталэ. Мон боевой, политической тодонлыкэз но бдительностез эшшо но вылэ жутыны аслам вылам обязательство басьтисьяко, социалистической родиналэсь границаосэ эшшо но сак возмало.

БССР, Н Борисово город, Красноармеец—Павлов Егор Данилович.

ТРЕФИЛОВ ИНСТРУКТОРЛЭСЬ НИМЗЭ
ОПРАВДЫВАТЬ УГ КАРЫ

Пудемской районолэн инструкторез (пчеловодэз) Трефилов колхоз'ёслы практической юрттэт сётон интые дырзэ юыса быдтэ. Нош колхоз'ёсы потэн дыр'яз аслаз колхозаз мынэ но отын ас понназ турын турнаса яке пу кораса улэ.

19 августэ Трефилов сельпо кон-

торалэн азбараз потыса лымбыт юыса улыз. Районолэн заведующоес Горбушин Трефиловлэсь ужан дыр'яз юыса улэмзэ тодэ ке но буйгаткыса улэ, но кыче ужрад уг куты. Мынам сямен Трефиловлы инструктор луыса ужаны инты овёл. П—М.

ВСЕОБЩЕЙ РАБОЧЕЙ СОЮЗЛЫ 50 АР

Барселона, 13 августэ Барселона дорысь Матаро городын, Всеобщей рабочей Союзлэн 50 арез тырмемезлы сизыса, бад'зым митинг ортычиз. Митингын выступать карись оратор'ёс пöлын озьш ик высту-

пить кариз Всеобщей рабочей союзнэн председателез Гонсалес Пенья. Пенья подчеркнуть кариз, что Союзлэн нырысь но важнейшой задачаеныз луэ—фашизмез вормон.

У АССР-ысь прокуратураын

Прокуратуралэн орган'ёсыныз Кулигинской районсы Лыпской сельсоветын шараямын социалистической законностез грубой тйяфакт'ёс. Лыпской сельсоветлэн председателез Князев Афанасий Ильич законностез тйяса ужаз. Солэн председателёствовать каремез'я сельсоветлэн президиумез колхоз председателёсты, колхозник'ёс тодытэк, ужысь куштылыз. Князев сёт'яз распоряжение вань колхоз'ёслы колхозной муз'ем вылэ сельсоветысь ужасьёс понна

ю-нянь кизыныны. Со кизем муз'ем вылысь вань урожаез Князев дунтэк сельсоветлы басьтыз. Князев озы ик сельсоветын колхозник'ёслэсь незаконно дежурить карон системазэс установить кариз. Дежурство валэн но пыдын вал. Кин ке оз кылзисьякылы, Князев соосты штрафовать карылыз. Коньдонэ нош аслыз каре вал. Удиурт республикаысь прокуратураен Князев ответственность улэ кыскемын.

Отв. редактор П. МАЛЫХ. Поттась Райисполком.